

3 JON

Jon Mij Kidek Ak Tikak

¹ Yad binib Klays yil midebal okok kilop kod midep olap midebin. Mam mapen yad Gayus, nep mij tikebin. Yad niñid yibil agebin, nep mapen yibil lipin.

² Mam mapen yad. Yad nepin, bipil nad nab pi ak mideb ak, midtep gup. Anib ak God nop agnigen, tap midupsek ginigaban okok midtep gil, nad ke abe midtep ginigaban. ³ Mam oginap awl apil yip apal, Bi Gayus ne God takaw niñid yibil ak gos niñid, midupsek pel kidek gup apal. Anib agñibal, yip tep yibil gup. ⁴ Ñipay yad okok, kili pel takaw niñid yibil ak niñid kidek gil midebal ak nigen, yip tep yibil gup. Yip tep yibil gup miñmiñ anib ak, tap awl yibil, miñmiñ oginap sikol olap mideb.

Gayus gitep gup

⁵ Bi mapen yad. Nad mam oginap kilop pel ditep yibil gipan. Kili man palawl okok nib apel kilop ma nepan okok, kilop monmon dil kod midtep gipan. ⁶ Anigipan ak oginap apil, binib Klays yil midebal awl okok kilop apal, Gayus ne God binib ne okok kilop mapen yibil lup apal. Kili adikid apil nep niñid, kanib olap amnig, kilop tap oginap ñe dad amnigel. Bi God wog ne ginigel ak, kilop anigil giñitep ginigun. ⁷ Kili Klays takaw ak agñi ajipal.

Pen agñi ajilig, binib God takaw ma nepal okok kilop agniñid, tap midup tap okok ma dipal. ⁸ Anib ak bi tep anib ak tek kilop ditep ginigun. Kilop ditep gil nim, God takaw niñid yibil wog ak jimñil gon, am tep ginigab.

Diyotlepes gi timel gup

⁹ Yad Klays binib ne okok kilop mij tikinek ak pen, bi Diyotlepes, biawl kili miden agil, takaw apun ak ma yibil nigup. ¹⁰ Anib ak tek yad midebim ak amil, ne chinop agjuwil titay gup takaw ak agyikinigayn. Pen ne timel anib ak nep ma gup. Mel. Ne mam God takaw agñi ajipal okok kilop ma yibil dup. Pen binib oginap kili mam God takaw agñi ajipal okok kilop dinig gel, ne mel agil, kilop agup, Klays binib ne nab okok keligil amnim agil, kilop agyokak.

Demitliyus gitep gup

¹¹ Pen bi mapen yad. Binib gi timel gipal okok, anigipal ak kidek ma ginimin. Binib pen gitep gipal okok, anigipal ak kidek ginimin. Binib gitep gilig midebal okok, God yil midebal. Pen tap timel gilig midebal okok, God nop ma nepal.

¹² Bi Demitliyus ne takaw niñid yibil won ak kidek gil mideb. Anib ak tek binib midupsek nop niñid apal, Bi teplep yibil apal. Chin abe miseñ agil apun, Bi anib ak, bi teplep yibil apun. Pen nad nepan, chin takaw anib ak niñid yibil apun.

Takaw day won oginap

1:11 Sng 37.27, Ais 1.16-17, 1 Pi 3.11, 1 Jo 3.6-10 **1:12** Jon 19.35, 21.24, 1 Ti 3.7

¹³ Yad takaw kunay yibil mideb, nep aginim ak pen, kil tikinigayn agil gos ma nepin. ¹⁴ Gos yad pen anigil mideb. Wulep mideb yad nep am ninid, nad ayip takaw aginigabul. ¹⁵ Midtep ginimin. Namam okol nep ag dideg lebal. Takaw yad ak dil, mam nad ayip midebal okok kilop ninokom abe ag dideg linimin.

Jisas Klays Takaw Teplep Ne Tay New Testament

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

24d09cce-9a93-523a-afa5-7b091c264cee